

**DOGFEN DENDRO – I GYFLWYNO  
CYNLLUN HYFFORDDIANT FIRST POST YNG NGHYMURU**

Annwyl Gyfaill,

Mae Skillset Cymru, y Cyngor Sgiliau Sector ar gyfer y Diwydiannau Clyweledol yn dymuno gwahodd tendrau ar gyfer cyflwyno cynllun hyfforddiant ôl-gynhyrchu newydd o'r enw First Post Cymru. Mae'r cynllun ar waith eisoes yn Llundain ac rydym ar hyn o bryd yn sefydlu'r cynllun yng Nghymru, Bryste a Manceinion.

Anelir First Post Cymru at aelodau staff iau o fewn cwmnïau adnoddau a chwmnïau cynhyrchu y gallai fod ganddynt wasanaethau adnoddau mewnol, er mwyn rhoi sylfaen gadarn iddynt mewn gweithrediadau technegol, sgiliau cwsmeriaid a sgiliau masnachol. O ganlyniad i alw mawr gan y sector yng Nghymru rydym yn awyddus iawn i nodi darparwr hyfforddiant o ansawdd uchel i gyflwyno'r cynllun ar ein rhan.

Yn amgaaedig gweler copi o fanyleb y tendr y gallai fod o ddiddordeb i chi neu eich cydweithwyr. Mae croeso i chi ei hanfon ymlaen at unrhyw bartïon â diddordeb.

Yn gywir,

**Gwawr Hughes**  
**Cyfarwyddwraig Skillset Cymru**

## Manyleb y Tendr ar gyfer Cyflwyno “First Post Cymru”

1. Mae **ôl-gynhyrchu** yn sector pwysig yn y DU, gan gyflogi amcangyfrif o 15,000 o bobl gyda throsiant o bron i £1.4 biliwn y flwyddyn. Yn ôl Cyfrifiad Cyflogaeth Skillset a Chytundeb Sgiliau Sector Skillset i Gymru, mae'r sector adnoddau yn cyflogi 258 o bobl yng Nghymru (yn cynnwys gweithwyr llawrydd oedd yn gweithio ar Ddiwrnod y Cyfrifiad), gydag 143 wedi'u cyflogi mewn ôl-gynhyrchu, a llogi stiwdios/offer yn darparu gwaith i 116. Mae ymchwil Skillset i'r materion sy'n bygwth dyfodol y sector hwn wedi amlygu'r angen am gynllun hyfforddiant strwythuredig i newydd-ddyfodiaid.
2. Mae **First Post** yn gynllun hyfforddiant modwlar i newydd-ddyfodiaid sy'n gyflogeion (yn hytrach na gweithwyr llawrydd). Mae wedi'i dargedu at aelodau staff iau i roi sylfaen gadarn iddynt mewn gweithrediadau technegol, sgiliau cwsmeriaid a sgiliau masnachol. Bydd ffocws arbennig ar ôl-gynhyrchu, ond bydd llawer o'r cwrs yn werthfawr iawn i staff iau o fewn y diwydiannau teledu, ffilm, animeiddio a chyfryngau rhyngweithiol sy'n awyddus i'w staff gael eu hyfforddi mewn gweithrediadau sylfaenol y diwydiant. Cynlluniwyd y cynllun i roi i newydd-ddyfodiaid yn y diwydiant sgiliau rhedeg ardderchog er mwyn iddynt gyfrannu'n bositif at fusnes eu cyflogwr.
  - 2.2 Trwy gyfrannu at gynllun a chyflwyniad y cynllun, bydd y diwydiant clyweledol yn sicrhau eu bod yn datblygu staff newydd gyda'r sgiliau iawn, ar yr adeg iawn, am y gost iawn.
  - 2.3 Mae'r cynllun hwn yn bosib o ganlyniad i fuddsoddiad gan Lywodraeth Cynulliad Cymru a'r diwydiant ôl-gynhyrchu, ac mae'n rhan o strategaeth sgiliau Skillset i Gymru.
3. Rydym yn gwahodd tendrau gan ddarparwyr hyfforddiant gyda'r arbenigedd addas i gyflawni datblygu a gweithredu First Post Cymru. Bydd hyn yn cynnwys y canlynol:
  - Ymgynghori â chyflogwyr ar strwythur a chynnwys y cynllun (mae 7 cwmni eisoes wedi mynegi diddordeb wrth Skillset Cymru ond mae angen ymgynghori ymhellach â'r cwmnïau hyn a chwmnïau ychwanegol).
  - Rheoli Grŵp Llywio sy'n cynnwys yr holl bartion sy'n ymwneud â chyflwyno'r model.
  - Dethol ymgeiswyr ar gyfer y cynllun.
  - Dethol personau o'r lefel uchaf o fewn y diwydiant fel tiwtoriaid, siaradwyr a mentoriaid ar y cynllun.
  - Cyflwyno'r cynllun yn effeithiol ac yn unol â gofynion y cwmni.
  - Monitro datblygiad hyfforddeion a chydgyssylltu â'u rheolwyr llinell o fewn y cwmni.
  - Cydgysylltu â Llywodraeth Cynulliad Cymru yn nhermau cysylltu'r cynllun â Fframwaith Credydau a Chymwysterau Cymru.
  - Rhoi adborth i'r Grŵp Llywio ar ddatblygiadau mewn perthynas a'r cynllun.
  - Rhoi adborth i Banel Sgiliau'r Diwydiant Skillset Cymru ar y cynllun.

Bydd Grŵp Llywio First Post Cymru yn goruchwylio'r contract. Bydd y cynigydd llwyddiannus yn adrodd ar sail weithredol yn uniongyrchol i Triston Wallace, Rheolwr y Sector Adnoddau yn Skillset.

Bydd angen i ddarparwyr hyfforddiant ddangos profiad sylweddol o fod wedi ymgymryd â gwaith tebyg, yn enwedig mewn perthynas â newydd-ddyfodiaid a diwydiant y cyfryngau.

Bydd y gwaith o ddi-ddordeb i'r rheiny sy'n ymwneud â datblygu sgiliau, dysgu galwedigaethol a hyfforddiant, yn cynnwys asiantaethau a darparwyr hyfforddiant a chwmnïau cyfryngau.

Bydd y wybodaeth a gesglir mewn perthynas â'r cwrs yn eiddo i Skillset a bydd cwricwlwm presennol First Post yn parhau i fod yn eiddo i Skillset.

### **3. Meini prawf mewn perthynas â dethol cwmnïau a hyfforddeion**

Rydym yn bwriadu lansio'r cynllun hwn ym mis Medi 2007. Gan y bydd gordanysgrifio o fewn y sector hwn ar gyfer rhaglen fel hon, rydym wedi nodi meini prawf ar gyfer dethol yr hyfforddeion a'r cwmnïau fydd yn gallu cymryd rhan.

3.1 Bydd y meini prawf i *gwmnïau* sy'n dymuno cymryd rhan yn cynnwys:

- Wedi'u lleoli yng Nghymru
- Darparu dau neu fwy o'r canlynol fel gweithgareddau craidd – golygu, sain, graffeg, dyblygu a telecine
- Dangos ymrwymiad i sgiliau'r diwydiant yn y dyfodol (ee drwy aelodaeth o gyrff masnach priodol)
- Cwmni Cyfyngedig

3.2 Meini prawf i *unigolion* sy'n dymuno cymryd rhan:

- Contract llawn amser drwy gydol y cwrs
- Wedi gweithio am 3 blynedd neu lai yn y diwydiant
- Yn gweithio mewn cwmni cynhyrchu wedi'i leoli yng Nghymru (fel a ddiffinnir yn 3.1)
- Heb fod yn Gyfarwyddwr Cwmni
- Cytuno i'r "Cod Ymddygiad"

### **4. Cynnwys y Cwrs**

Cyflwynir y cynnwys mewn amrywiaeth o ffyrdd, yn cynnwys dysgu drwy arweiniad, hunan-addysgu, dysgu seiliedig ar waith, arfarniadau wyneb yn wyneb, darlithoedd a gweithdai, ar-lein ac ati. Disgwylir y bydd y gwerthuso ar ffurf "Pasport Sgiliau" gyda chynnydd yn cael ei fesur gan yr asiant cyflwyno a'r cwmni. Mae cwricwlwm llawn wedi'i gysylltu â'r ddogfen dendr hon.

## 5. Amserlen

Rhaid derbyn ceisiadau wedi'u cwblhau erbyn	5pm, 7 <sup>fed</sup> Mehefin 2007
Cynhelir trafodaeth ddilynol	9:30 – 5:30pm, 14 Mehefin
Cyhoeddi'r partneriaid cyflwyno a ddewiswyd	18 Mehefin, 2007
Dechrau Cyflwyno'r Hyfforddiant	Medi 2007

Dylid cyfeirio'r cais llawn ac unrhyw ymholiadau mewn perthynas â'r broses ymgeisio at Vicky Jones, Skillset Cymru, 33-35 West Bute Street, Caerdydd, CF10 5LH drwy e-bost a chopi caled. [Vickyj@skillset.org](mailto:Vickyj@skillset.org) Ffôn: 02920 452828.

## 6. Cyllideb

Yn ogystal â chyllid Skillset, disgwylir i gwmnïau a dderbynnir i'r cynllun gyfrannu mewn ffyrdd eraill yn ogystal (darparu dysgu drwy brofiadau, gweithdai a dosbarthiadau meistr, adnoddau a chyfarpar ac ati). Bydd y gyllideb yn ddigonol ar gyfer y cwrs ar gyfer lleiafswm o 10 hyfforddai dros 20 diwrnod (byddai blociau o 1 wythnos dros 3 mis yn ddymunol).

Nid yw'r ddogfennaeth dendr hon yn nodi disgwyliadau Skillset o safbwynt y gost na'r gyllideb a ganiateir ar gyfer y prosiect er mwyn sicrhau bod y cyflenwr arfaethedig mor gystadleuol â phosib.

## 7. Rheolaeth

Bydd cytundebau partneriaeth llawn yn cael eu creu ar ddechrau'r cynllun ond rydym yn disgwyl y bydd y cyfrifoldeb fel a ganlyn:

- 7.1 Bydd *Y Darparwr Hyfforddiant* yn rheoli a chydlynu'r cynllun yn ganolog ac yn cydgysylltu â Skillset Cymru wrth wneud hynny. Bydd hyn yn cynnwys gweinyddu'r cynllun yn llawn, monitro ansawdd, tracio cynnydd yr hyfforddeion a gweithredu fel dilysydd cyflawniad yr hyfforddeion.
- 7.2 Bydd *Cyflogwyr* yn goruchwyllo cynnydd yr hyfforddeion a gweithredu fel dilysydd allanol cyflawniad yr hyfforddeion.

## 8. Dogfen Dendr

Rydym yn gwahodd ceisiadau tendr gan ddarparwyr hyfforddiant unigol, neu gyd-ddarparwyr, sy'n amlinellu'r canlynol:

- 8.1 Y gyllideb
- 8.2 Hyfforddwyr (tiwtoriaid, mentoriaid ac ati..)
- 8.3 Gofod a chyfleusterau hyfforddiant
- 8.4 Dulliau cyflwyno
- 8.5 Sut y byddwch yn gweithio gyda'r cwmnïau sy'n cymryd rhan yn y cynllun (yn enwedig sut y byddwch yn defnyddio'r cynnig o gefnogaeth "mewn da")
- 8.6 Sylwadau ar fanylion y cwricwlwm
- 8.7 Amserlen arfaethedig
- 8.8 Proses ar gyfer asesu cyflawniad hyfforddeion

## **9. Gwerthuso Cynigion Tendr**

Grŵp Llywio First Post Cymru fydd yn gwerthuso'r cynigion a gyflwynir.

Y meini prawf gwerthuso, nad ydynt mewn unrhyw drefn benodol, yw:

- Hanes o ymgymryd â gwaith tebyg a/neu weithio gydag amrywiaeth o wahanol bartneriaid yn y diwydiant a rhai cyhoeddus, a rhanddeiliaid
- Gwybodaeth o hyfforddiant tra'n gweithio
- Dichonoldeb y rhaglen waith
- Gwerth am arian